

L u v e n F l o n d P i t a s c h D u i n

cuminonza da pastoražiun Pastorationsgemeinschaft
c u n L u m n e z i a S u r s a i s s a V a l S o g n P i e d e r
plevon Albrecht Merkel Pfarrer
Uffeci parochial evangelic Reformiertes Pfarramt

Via Sumvitg 19
7141 Luven
081 925 34 26
albrecht.merkel@gr-ref.ch
www.pastoraziun.ch

Nr.24 R

november 2020

Cars commembers dallas pleivs Luven, Flond, Pitasch e Duin!
Cu jeu entaupel quest' jamna enzatgi, sche vegn il vegl tema.
Jeu sentel ch'ei fa breigia da mantener fidonza e curascha cul
diember carschent dad infecziuns da covid-19.

Tgei che fa vegnir staunchels nus

Ina caussa vegn clara: Nus vegnin aunc gitg a s'occupar cun
quei tema.

Las consequenzas digl empren lockdown ein aunc per bia
buca dumignadas e nus vegnin pertscharts ch'ei va da
novamein en ina semeglionta direcziun.

Mo negin vul gi dad ault ei.

Nus essan consterni.

Tgei gi la cardientscha?

La cardientscha ha l'incumbensa da dar fidonza.

Mo co san ins uss discuorer da fidonza?

Jeu sun ius silla tscherca dalla fidonza ella bibla.

presidenta Luven	presidenta Flond	presidenta Pitasch	president Duvin
Vrena Arpagaus	Meia Inauen	Rita Caviezel	Philipp Candrian
081 925 19 60	081 925 43 76	076 445 70 71	081 931 36 18

Jeu hai anflau **Matteus capitel 6,25-34**

Per quei gitg jeu a vus.

Buca sefagei quitaus per vossa veta,
tgei magliar e tgei beiber
ed era buca per vies tgierp
cun tgei sevestgir.

Ei buca la veta dapli che la vivonda
ed il tgierp dapli che la vestgadira?

Mirei **ils utschals dil tschiel:**

Els semnan buc e medan buc
e raspan buc en lur garners
e tonaton vies Bab en tschiel nutrescha els.
Mo essas vus buca dapli che quels?

Qual da vus ei cun ses quitaus el cass da lunganir sia persuna
era mo per in bratsch?

E tgei sefageis vus quitaus per la vestgadira?

Fagei persenn dallas **gelgias silla cultira**, co ellas creschan!
Ellas ni lavuran ni filan.

Mo jeu gitg a vus: Salomon cun sia pumpa (en sia splendor) ei
buca staus fittaus sco ina da quellas.

Mo sche Deus ornescha aschia la jarva dalla cultira che oz
flurescha e damaun vegn fiers el fuorn,
vegn el lu buca biaronz a far quei era cun vus,
o vus da pintga cardientscha?

Sche sefageies pia buca quitaus cun gir:

Tgei dein nus magliar, tgei dein nus beiber
e cun tgei sevestgir?

Per tut quei han ils pagauns fadigia. Vies Bab en tschiel sa gie
che vus haveis basegns da tut quei.

Oranvontut sefadigei pil reginavel da Deus e sia gistia, e tut gl'auter dei vegnir dau suren a vus.

Sche buca sefagei quitaus per damaun, pertgei il gi da damaun vegn sez ad haver quitaus per il siu.
Mintga gi ha avunda cun sia mulesta.
Aschi lunsch il priedi da cuolm.

Economia dils quitaus

Cun quels plaids mein nus en scola:
Co ir entuorn culs quitaus?
Jeu hai era duvrau il plaid: economia dils quitaus.
Economia vul gi, cons drova ei? Conta previsiun duvrein nus?
Con dein nus ora?
Jeu partel la scola da quitaus da Jesus en quater parts.

Mintga gi ha siu agen quitaus

Igl emprem cussegl ei bunamein nunvesibels.
El sereferescha sin mintga singul gi.
Ei tonscha da sefatschentar culs quitaus dalla preschientscha e buca cun quels dil futur che nus enconuschin aunc buc.
Nus savein buca esser tagliai giu.
Mo nus savein secunfinar als quitaus che vegnen pér.
Pertgei els tussegan nossa veta.

Quitaus prolunghescha buca la veta

Il secund cussegl sereferescha sill'entira veta.
Ti sas buca lunganir tia veta entras quitaus, buca per ina minuta.
Mo ti sas stgirentar tia veta entras quitaus.
Era per tes cuncarstgauns
La fin e la finamira da nossa veta vegn in gi.
Inevitabel.

Ti sas denton evitar, che tut ils gis avon vegnan tussegai cul patratg vid la fin.

La natira sa esser igl exempel dad esser senza quitaus.

In tierz cussegl trai noss'egliada silla natira.

Sils utschals e sillas gelgias.

Quellas enconuschan negins quitaus.

Tgi vess viu zacu in utschi plein quitaus?

Ni ina gelgia en quitaus?

Bein ei gest la natira in terren giustificau da nies quitaus.

Mo ei fa differenza denter "haver quitaus da" ed "haver quitaus per" enzatgei.

Forsa anflein nus acziuns en nies mintgagi, ch'ei motivai dil quitaus per la natira.

Nua che nus sentin igl uorden dalla natira leu sentin nus era l'uisa dalla natira, da viver senza quitaus.

Fom e seit per la gistia

Il quart cussegl ei in grond cussegl. El meina sur il gi, sur la veta, sur la natira ora.

El arva ina vasta perspectiva.

El arva l'egliada per il reginavel da Deus e sia gistia che vegn spitgada dils burgheis da quei reginavel che han fom e seit per la gistia.

Tut la veta ei in experiment da corrispunder a Deus.

Naven dil pantoflet dad ina cella tochen il homo sapiens sapiens che patratga.

Mo al carstgaun che sa patertgar vegn quei experiment cunscients. Mo il carstgaun sa sur tut ils auters quitaus esser tschaffaus dil grond quitaus: fom e seit per la gistia, suenter quei che la veglia da Deus daventi sin tiara e tschiel.

Pervia da quei che vus essas habels da quella fom e quella seit,

pervia da quei essas vus dapli che tuts utschals e tuttas gelgias.

Avon quei grond quitaus sblieschan tut ils auters quitaus, che san aunc esser cheu.

Tgei che fatschenta nus

Egl intern mein nus cun nos uffons, era sch'els ein carschi.

Nus schein ir els mo nos patratgs van cun els.

Nus sentin ch'ils glatschers vegnan pli pigns. La temperatura media sesaulza.

San las retschercas e las bunas ideas tener si quei svilup?

La Pandemia ei a mintga singul lunsch naven. Il diember che crescha tucca denton nus tuts.

Nies sistem da sanadad sa vegnir a ses cunfins.

Segir eis ei bien, sch'ils carstgauns en professiuns che planiseschan miran ordavon, per che nies sistem da sanadad seigi en duas jamnas buca al limit.

Fidonza

Nus savein haver fidonza che la gliedud fa lur clamada endretg, ch'il pasterner fa in bien paun, ch'il luvrer dalla RhB controllescha ils freins, che las persunas d'instrucziun preparan bein nos uffons per il futur.

Il mintgagi fullanau

Sche il mintgagi ei cumpletamein fullanaus...

... per quels gis, ch'ei fullenai hai jeu anflau la construcziun:

Gl'emprem duer ei: buca far enzatgei ch'ei buca exnum in duer.

Jeu sesmarvegliel

Gl'emprem duer ei: buca far enzatgei ch'ei buca exnum necessari.

Spazi per ils utschals e las gelgias

Il bia sedat lu enzanua puspei spazi da patertgar vid ils
utschals e las gelgias.

Sche nus sentupein las jamnas proximas,
tgei sa esser nies patratg?

En miu visavis pulsescha ina semeglionta veglia da viver sco
en mei sez.

La voluntad da viver

Ella sa esser zuppada, satrada, stizzada ordvart,
Denton negina pandemia duei impedir, da veser la sbrenzla,
els egls da quels che nus entupein.

Ligia cun ina ferma forza

Encunter ils quitaus sun jeu alliaus cun ina gronda forza.

Jeu scuvierel ella dapertut, nua che jeu mirel.

Entschiet tier il pantoflet che damogna da viver cun
sulettamein ina cella.

Tochen tiels utschals e las gelgias.

Jeu giavischel a nus tuts che quella forza inscuntra nus,
la cunterforza encunter memia gronds quitaus.

E quella forza ei la pasch da Deus, che survarga tut entelletg.

Quella vegn a cunsalvar vos cors e vos senns en Cristus Jesus.

AMEN

Conclus dil cussegl federal dil 28 d'october

Il 28 d'october ein novas mesiras publicadas.

15 persunas ein lubiu cun mascra per occurenzas culturalas.

Quei selai transferir per il priedi.

Co far Pigniel uonn

Nossas pleivs han differentes models. P.ex. untgir ora ella halla plurivalenta, ni in giug da nadal sut tschiel aviart el vitg

Cunsalids cordials
vies plevon

Albrecht Meikel

november december 2020 schaner 2021

ST = Sontga Tscheina

2020	Luven	Flond	Pitasch	Duin
1 da november	09.30	19.00		11.00
8 da november	negin	priedi		
15 da november	10.30	09.30	19.00	
22 da november	09.30	10.30 siluenter radunonza		
29 da november 1. advent	10.30	09.30		19.00
6 da december 2. advent	19.00	09.30	11.00	
13 da december 3. advent	09.30	10.30		
20 da december 4. advent	negin	priedi		
24 da december	20.30 ^{Pigniel}		18.00 ^{Pigniel}	19.15 ^{Pigniel}
25 da december Nadal		19.00 ^{Pigniel} chor misch. halla plurivalenta	11.00 ST	
26 da december Sogn Stiafen	09.30 ST	10.45 ST		
27 da december	negin	priedi		
31 da december onn vegl riug	20.30	19.30 chor misch. halla plurivalenta		
2021				
3 da schaner	negin	priedi		
10 da schaner	10.30	09.30	19.00	
17 da schaner	09.30	19.00		11.00
24 da schaner	09.30	10.30		
31 da schaner	10.30	09.30		